

Kalaallit Nunaanni Naatsorsueqqissaartarfik ukiut 25- inngorlugit nalliuttorsiorpoq

Juulip 19-iani 1989-mi Aningaasaqarnermut, Niuernermet aamma Angallassinermut taamani naalakkersuisoq Emil Abelsen aamma Naalakkersuisut siulittaasuat Jonathan Motzfeldt ”Kalaallit Nunaanni naatsorsueqqissaartarneq pillugu inatsisartut inatsisaat nr. 5, 19. juli 1989-imeersoq” atsiogatigiissutigaa. 1989-ip ingerlanerani Kalaallit Nunaanni Naatsorsueqqissaartarfik pilersinneqarpoq.


Naatsorsueqqissaarnerup Kalaallit Nunaanni ingerlanneqalernera sioqqulluta Danmarkimi Statsministeriets Grønlandsafdelingen aamma Danmarks Statistiki kisitsisinik Kalaallit Nunaannut tunngasunik paasissutissiorarsimapput.

Ukiumoortumik kisitsisitigut paasissutissat eboginngorlugit aaneqarsinnaalerput

Ukiunik 25-inngortorsiorneq malunnartinniarlugu Naatsorsueqqissaartarfiup Ukiumoortumik kisitsisitigut paasissutissat e-boginngorlugit aaneqarsinnaasunnortippai. E-bogi akeqanngitsumik Naatsorsueqqissaartarfiup nittartagaanut www.stat.gl/umut pdf filinngorlugit imaluunniit Epub atorlugu aaneqarsinnaavoq

Ukiumoortumik kisitsisitigut paasissutissani inuiaqatigiinnut paasissutissat pingaaruteqarlunnartut saqqummersinneqartarpput.

Ukiumoortumik kisitsisitigut paasissutissat 1969-miit 2009-mut atuaganngorlugit naqinneqartarput. 2010-mi Ukiumoortumik kisitsisitigut paasissutissat Kalaallit Nunaanni Naatsorsueqqissaartarfiup nittartagaanut taamaallaat aaneqarsinnaalerput.



Naatsorsueqqissaartarfimmit Ukiumut kisitsisitigut paasissutissanik atuisartut e-boginngorlugi atorluartassagaat neriuutigaarput.

Inussiarnersumik inuulluaqqusillunga

Naatsorsueqqissaartarfimmi pisortaq
Anders Blaabjerg